




BUXORO DAVLAT UNIVERSITETI ILMIY AXBOROTI


Научный вестник Бухарского государственного университета
Scientific reports of Bukhara State University


1/2020



 @buxdu_uz

 @buxdu1

 @buxdu1

 www.buxdu.uz

MUNDARIJA

ANIQ VA TABIIY FANLAR		
Джураса ДР., Соколов Б.Ю., Шарипов М.З., Шамсиев Р.Х.	Доменная структура и магнитооптические свойства тербиевого феррита-граната в температурной области точки магнитной компенсации.....	3
Файзиёв Ш.Ш., Йўлдошева Н.Б.	Кучсиз ферромагнетикларда аралашма кўшилганда содир бўладиган ўзгаришлар.....	8
Жумаев М.Р., Шарипов М.З., Миржоннова Н.Н.	Релятивистик идеал газ зарралари тезликларининг таксимот функцияси.....	14
Авлиякулов Н.Н., Рухшодов С.У.	Деятельность метрологического обеспечения производства обеспечивающий выпуск качественной продукции.....	19
Икрамов Р.Ф., Ражапов И.Т., Турасва М.О.	Куёш элементларининг фотогальваник характеристикалари ва фото вахнининг ноидеаллик коэффициенти.....	24
Касимова Г.К.	Оптические системы для снятия поляризационных спектров самособранных молекул..	30
Turdiyeva G.S., To'rayeva G.X.	Movie maker, pinnatle studio, adobe premiere dasturlari- videoma'lumotlarni yaratishva qayta ishlash uchun mukammal dasturlar.....	37
Атаева Г.И., Ёдгорова Л.Д.	Методы и алгоритмы компьютерной графики.....	43
Imotova Sh.M., Tohirov B.N.	Global bronlash tizimlari.....	48
Умаров Б.Б., Иботов Б.Х., Иботов Ж.Ж., Сохибов М.С.	Диэлектрик материаллар сиртини рангли металллар билан коплаш.....	54
Рахмонов Т.Т.	Разложения блочно-трехдиагональных матриц с нулевыми ведущими блочно-угловыми минорами.....	59
Болтаев Х.Х.	Вещественный аналог подфакторов джонса для вещественных конечных факторов.....	68
Тошева Н.А.	Регуляризованный определитель фредгольма соответствующий семействе 3x3-операторных матриц.....	75
Zagirova G.K., Sayidova N.S., Salimova M.N., Ravshanov Sh.E.	"Tarix fanida innovatsiyalar: texnologiya, modellar va metodlar" ta'limotida elektron resurslardan foydalanish.....	82
Хусенов М.З., Хазратов Ф.Х.	Экспертная система: понятие, определение и классификация экспертных систем.....	88
TILSHUNOSLIK		
Экириллаев Г.Н., Жумаев Э.Б.	Ўзбек тилшунослигида мати грамматикаси тадқиқи.....	93
Сайдов Ё.С., Шарипова Д.Ш.	Раъзининг лексик-семантик хусусиятлари.....	102
Хамроева Ш.М.	Тил корпусини дастурлаш: сунъий тилини яратиш, тил синтаксиси ва семантикаси.....	105
Садоыева М.И.	Ingliz va o'zbek tillarida pozitivlik ma'nosining sonlar va "bir" so'zi orqali ifodalanishi.....	110
Асадов Т.Х.	Раъзининг сўз туркумлари билан интеграцияси ва дифференциацияси.....	115
Каримов О.	Абдулла Орипов шеърятнда метафориклик.....	120
Тоирова Г.И.	Ўзбек тили миллий корпусини яратишда лингвистик разметканинг ўрни.....	125
Асқарова Ш.К.	Инглиз ва ўзбек тилларида тақррр ифода усудининг хусусиятлари.....	132
Ходжаева Д.И.	Умумий тилшуносликка оид терминларининг лексикографик таҳлили (инглиз, рус ва ўзбек тиллари материали мисолида).....	137
Мамадалиева Н.С., Мирзажонов А.Х.	Ихборителъно-выразителъные средства как стилеобразующие заголовков современной газеты.....	141
Shiripova M.Sh.	O'zbek kitobidmlari nomlarining ontologik xususiyatlari.....	148
Ахмедова Д.Б.	Корпус лингвистикасида семантик тег категорияси: таъриба ва таҳлил.....	152
Ўркинов С.Ў.	Семантик-системная характеристика военно-профессиональных единиц сверхсложной структуры.....	160
Шукурова М.А.	Некоторые вопросы развития этических терминов в английском языке XVI-XVIII веков.....	165
Садулласева Н.А.	Ўзбек тилшунослигида тўликсиз гаплар.....	170

O'ZBEK KINOFILMLARI NOMLARINING ORTOLOGIK XUSUSIYATLARI

ОРТОЛОГИЧЕСКИЕ ОСОБЕННОСТИ УЗБЕКСКИХ ФИЛЬМОВ

ORTHOLOGICAL PECULIARITIES OF UZBEK MOVIES' NAMES

Shirinova Mexrigiyo Shokirovna
BuxDU tayanch doktoranti

Annotatsiya. Maqolada kino san'atining boshqa san'at turlaridan farqli jihatlari, kino tili tushunchasi va uning o'ziga xos xususiyatlari, adabiy me'yor, kino nomlari xususida fikr yuritilgan. Davr talabiga mos kinofilmlar yaratish kino tilini lingvistik aspektida tahlil etish bilan bevosita bog'liqligi ta'kidlangan. Shuningdek, mustaqillik davri ayrim o'zbek kinofilmlari nomidagi adabiy me'yor dan chekinish holatlari aniqlangan. Kino nomlarida uchragan orfografik, punktuatsion, morfologik, stilistik me'yor buzilishlari tahlil qilingan.

Tayanch so'zlar: san'at, kino, kino tili, kino tilining xususiyatlari, kino nomlari, adabiy me'yor, ortologiya, orfografik me'yor, punktuatsion me'yor, morfologik me'yor, stilistik me'yor.

Аннотация. В статье анализируются некоторые аспекты киноискусства, отличающиеся от других видов искусства, понятие "язык кино" и его особенности, язык кино и литературная норма, названия кинофильмов. Утверждается, что создание фильма, соответствующего нашему времени, непосредственно связано с анализированием языка кино в лингвистическом аспекте. А также, выяснены некоторые отклонения от литературных норм в названиях узбекских фильмов в период независимости. Проанализированы орфографические, пунктуационные, морфологические, и стилистические отклонения в названиях фильмов.

Ключевые слова: искусство, кино, язык кино, особенности "языка кино", названия кино, литературная норма, ортология, орфографические нормы, пунктуационные нормы, морфологические нормы, стилистические нормы.

Annotation. The article considers some aspects of cinema art that differ from other forms of art, the concept of "language of cinema" and its features, literary norms, and the names of films. It is argued that the creation of a film corresponding to our time is directly related to the analysis of the language of cinema in a linguistic aspect. And also, some deviations from literary norms in the names of Uzbek films in the period of independence have been clarified. The spelling, punctuation, morphological, and stylistic deviations in the names of films are analyzed.

Key words: art, cinema, language of cinema, features of the "language of cinema", movie names, literary norm, orthology, spelling norms, punctuation norms, morphological norms, stylistic norms.

Kirish. Istiqlol yaratib bergan keng sharoitlar tufayli barcha san'atlar singari kino san'ati ham tez sur'atlarda rivojlanib bormoqda. Prezidentimiz Sh.M. Mirziyoyevning 2018-yil 24-iyuldagi "Milliy kinoindustriyani rivojlantirish bo'yicha qo'shimcha chora-tadbirlar to'g'risida"gi qarorida o'zbek milliy kino sanoatini rivojlantirish, uning kino bozorida raqobatbardoshligini oshirish maqsadida bir qator vazifalar belgilab berildi. Bundan tashqari, ushbu islohotning davomi sifatida O'zbekiston Respublikasi Prezidentining 2020-yil 24-yanvardagi Oliy Majlisga murojaatnomasini ham aytish mumkin. Murojaatnomada kinomatografiyani 2030-yilgacha rivojlantirish konsepsiyasi hamda "Kinomatografiya to'g'risida"gi Qonun ishlab chiqilishi muhim masalalar qatorida sanab o'tildi. Bu kabi islohotlarning amalga oshirilishi kino sohasining har tomonlama keng rivojlanishiga yo'l ochib beradi, deyish mumkin.

Jamiyat taraqqiyotini san'atsiz tasavvur qilib bo'lmaydi, chunki inson jamiyatdan tashqarida yashay olmaganidek, san'atsiz ham yashay olmaydi. Shu sababli san'at har bir millat ma'naviyatining bir bo'lagidir, deya qat'iy ayta olamiz. Ma'naviyatni keng targ'ib etuvchi yetakchi

san'at turlaridan biri kinodir. Chunki bu san'at turi turli yoshdagi tomoshabinlarga bevosita ta'sir ko'rsatadi. U turmush tarzimizning bir bo'lagiga allaqachon aylanib ulgurgan. Kino voqelik hamda tomoshabin o'rtasida ma'naviy ko'prik vazifasini o'tab, insonga ruhiy ozuqa beradi.

Har bir san'at turi o'ziga xos tilda so'zlaydi, chunonchi, kino san'ati ham. Kino tili, eng avvalo, ekran tilidir. Uni o'rganish muammosi ko'pgina taniqli xorijiy olimlarni qiziqtirgan. S. Eyzenshteyn, V. Pudovkin, R. Arnxeym, B. Balash, Z. Krokauer, Yu. Lotman, J. Sadul, Ye. Teplitsa, S. Freylix, M. Andronnikova va boshqalarning tadqiqotlarida kino tilining o'ziga xos xususiyatlari o'rganildi[8]. Shuningdek, kinoning ekspressivligi, uning ildizi, san'at sohasida tutgan o'ri N. Gornitskaya, I. Vaysfeld, N. Zorka, A. Kazin, L. Kozlov, V. Mixalkovich, K. Razlogov, I. Shilova va boshqa ko'pgina kinoshunoslar tomonidan tadqiq etildi. Kino va kino tili sohasida olib borilgan bir qancha tadqiqotlarni sanash mumkin. Kuzatishlar ko'rsatdiki, kino tilini o'rganish ko'pgina sohalarning vakolatiga kirar ekan. Masalan, madaniyat, san'at, kinoshunoslik, psixologiya, estetika, tilshunoslik va boshqalar. Kino tilining aksariyat sohalar bilan aloqadorligi uni 2 ma'noda qo'llash bilan bog'liq:

Keng ma'noda kino tili deganda kinoni tomosha qilayotganda uni tushunish, his etish uchun ishtirok etadigan barcha unsurlar (ovoz, musiqa, joy tasviri, imo-ishoralar, so'zlar, qahramonlarning tashqi ko'rinishi, kiyimi, o'zini tutishi va b.) majmui tushuniladi.

Tor ma'noda esa audiovizual aloqani yuzaga chiqarish uchun xizmat qiladigan so'zlar majmui tushuniladi[6].

Kino tilini tor ma'noda tushunib, uning 2 xil ko'rinishini farqlash mumkin: 1) og'zaki; 2) yozma. Kino tilining og'zaki ko'rinishi – aktyorlar nutqi hisoblanadi. Yozma ko'rinishi esa kino boshlanishi bilan ekranda namoyon bo'ladigan so'zlar, ya'ni kino nomi, ijodkorlari haqidagi yozuvlar tushuniladi. Har ikki holatda ham tomoshabinga axborot yetkaziladi.

Biz bu o'rinda asosiy e'tiborni kinofilmlar nomiga qaratamiz. Kino nomlari filmning ajralmas qismi bo'lib, eng kuchli va diqqatga sazovor pozitsiyani egallaydi va ular quyidagi lingvistik vazifalarni bajaradi: kommunikativlik (ssenariy matnining mazmuni haqida ma'lumot yetkazadi), pragmatik (ma'lumot oluvchi, ya'ni tomoshabinning his-tuyg'ulariga ta'sir etadi) kabi. Zamonaviy kino nomlarida pragmatik vazifa juda muhimdir. Kino nomlarining pragmatik yo'naltirilganligi uning tomoshabin va kino ijodkorlari o'rtasidagi vositachilik roldan kelib chiqadi.

Oxirgi yillarda suratga olingan ayrim kinofilmlar nomiga e'tiborimizni qaratamiz: "Bayram xazili" (2014), "Salom gruppadagilar" (2014), "Uring jonim, uring!" (2015), "Yuragim seniki" (2015), "Men yolg'onchiman" (2016), "Demak sevasan" (2016), "Boy bo'lma, sahiy bo'l" (2016), "Gazini bos, Jamshid!" (2017), "Haloskor" (2017), "Meni sev" (2017), "Ajab bo'libdi" (2017), "Sumalak kasting yohud uchmagan varrak" (2018), "Xiyonat yohud farishta niqobidagi shaytonlar" (2019), "Og'ufurish tergovdagi qiynoq" (2019), "Jonim dadam" (2019), "Paxmoq kelin" (2019), "Ana xolos" (2019), "Amiran" (2019), "Jangovar qaynona" (2019), "Oh, Salima, Salima" (2019), "Muzlagan" (2019), "Asal oyi" (2019), "Taqdirsiz kelin" (2019), "Xizmat doirasi-dan tashqarida" (2019), "Janob Hot-dogchi" (2019), "Sevadi sevmaydi" (2019), "Milyoner kelin" (2019), "Meniki bo'l" (2019), "Onasini erkasi" (2019), "Qaynisingil" (2019) va hokazo.

Bu nomlarni ortologik nuqtayi nazardan o'rganishni joiz deb topdik. Dunyo tilshunosligida ortologiya (orthos – "to'g'ri", logos – "ta'limot") adabiy til me'yorlarini o'rganadigan tilshunoslik sohasi [5] sifatida e'tirof etiladi¹. Yuqoridagi kinofilmlar nomida adabiy me'yorning quyidagi ko'rinishlari buzilgan:

1. Orfografik me'yor: "Bayram xazili" (xazili emas, hazili), "Boy bo'lma, sahiy bo'l" (sahiy emas, saxiy), "Haloskor" (haloskor emas, xaloskor), "Xiyonat yohud farishta niqobidagi shaytonlar", "Sumalak kasting yohud uchmagan varrak" (yohud emas, yoxud), "Milyoner kelin" (milyoner emas, millioner), "Og'ufurish tergovdagi qiynoq" (og'ufurish emas, og'ufurush), "Qaynisingil" (qaynisingil emas, qaynsingil).

2. Morfologik me'yor: "Onasini erkasi" – bu kinofilm nomida kelishik qo'shimchasi noto'g'ri qo'llangan. Erkasi so'zidagi -si egalik qo'shimchasi o'zidan oldin qaratqich kelishigidagi

¹ Qarang: Shirinova M.Sh. Ortologiya adabiy me'yor haqidagi fan sifatida // "BuxDU ilmiy axboroti", 2019-yil, 3-son. B. 127-131. Bu maqolada ortologiya so'zining kelib chiqishi, ma'nosi, qo'llanilish sohalari lug'atlar asosida sharhlangan hamda lug'atlarda berilgan ta'riflar umumlashtirilgan.

so'zni talab etadi. Kino nomida bunday morfologik me'yorning buzilishi sheva bilan bog'liq. Odatda, qarluq lahjasida gaplashadigan ko'pgina shevalarda qaratqich va tushum kelishiklari o'rni ba'zida almashtirilgan holda qo'llaniladi.

3. Punktatsion me'yor: "Salom gruppadagilar" (salom so'zidan keyin vergul qo'yilishi kerak), "Uring jonim, uring!" (uring so'zidan keyin vergul qo'yilishi kerak), "Demak sevasan" (demak so'zidan keyin vergul qo'yilishi kerak).

4. Stilistik me'yor: "Paxmoq kelin" filmidagi "paxmoq" so'zini "kelin" so'zi bilan birga ishlatish usluban g'alizlikni keltirib chiqaradi. Paxmoq so'zining izohli lug'atda berilgan ma'nolari quyidagicha: "Paxmoq I Isft. Tartibsiz o'sib ketgan, o'siq, hurpaygan. Paxmoq soch. 2. Shox-shabbasi tartibsiz o'sib, tarvaqaylagan sada shaklidagi. 3. Yungi yoki soch-soqoli o'siq, baroq. Paxmoq II Bir tomoni tukli, mayin va qalin ip gazlama; bumazey" [3, 579]. Lug'atda berilgan izohdan anglash mumkinki, paxmoq so'zini soch-soqolga, daraxtga nisbatan qo'llash mumkin, ammo shaxsга to'g'ridan to'g'ri qo'llash asosli bo'lmaydi. Mazkur film nomi paxmoq sochli kelin ma'nosida ishlatilgan bo'lishi mumkin. Lekin bu ma'noni ifodalash uchun soch so'zini ham keltirish zarur deb hisoblaymiz. Kelinning paxmog'i bo'lmaydi. Bundan tashqari, kelinning paxmoq so'zi bilan birga kelishi salbiy bo'yoqdorlik kasb etgan. Bu nomni eshitgan ayrim tomoshabin "kelinga nisbatan paxmoq so'zini ishlatsa bo'lar ekan", degan xulosaga keladi va o'z nutqida beixtiyor ishlatib yuboradi.

"Jangovar qaynona" – bu kinofilm nomini eshitgan tomoshabin qaynonaning ham jangovari bo'lar ekanmi, degan savolni berishi tabiiy. Jangovar so'zi "urush, jangga oid, urush-jang bilan bog'liq; janglarda chiniqqan, urush-janglarda o'zini ko'rsatgan; shijoatli; ko'chma ma'noda kundalik, har doimgi, faol; otashin" [3, 272] kabi ma'nolarda qo'llaniladi. Demak, bu so'z ko'proq janglarda qatnashgan va bu janglarda o'zini ko'rsatgan botir, qo'rqmas insonlarga nisbatan qo'llaniladi. Endi aytingchi, qaysi qaynona urushda, jangda qatnashadi yoki o'zining botirligini namoyish etadi? To'g'ri, qaynona va kelin yoki qaynona va boshqa oila a'zolari o'rtasida urush, janjal, kelishmovchiliklar bo'lishi mumkin, ammo bu kelishmovchilikni jangovar so'zi ifodalaydigan jang, urush bilan aralashtirmaslik zarur. Jangovar so'zining ko'chma ma'nosidan kelib chiqib, ya'ni "faol qaynona, otashin qaynona" ma'nosida tushunish ham o'rinli emas. Umuman olganda, jangovar so'zining o'z ma'nosida ham, ko'chma ma'noda ham qaynona so'zi bilan birga kelishini noo'rin deb hisoblaymiz.

"Taqdirsiz kelin" – inson taqdirsiz bo'lishi mumkin emas. Har bir insonning o'z taqdiri bor. Lug'atlarda taqdirsiz so'zi izohlanmagan. Mantiqan bu ikki so'z o'zaro birikmagan, ya'ni taqdirsiz kelin so'z birikmasi shaklan, moddiy tomondan to'g'ri shakllangan, lekin ma'no tomondan bir-biriga muvofiq emas.

"Gazini bos, Jamshid!" – bu jumla kinofilm nomini ifodalashda umuman noloyiq. Birinchidan, jumla so'zlashuv uslubiga xos, ikkinchidan, usluban gazini so'zini o'rmiga gazni qo'llash zarur edi, uchinchidan, jumlada ma'no-mazmun kemtik. Kino nomida g'alizlik, bachkanalik ufurib turibdi.

"Uring jonim, uring!" – bu kinofilm nomini eshitgan inson hayratga tushadi. Nega bunday nom qo'yilgan, inson o'ziga nisbatan ham uring so'zini ishlatishi mumkinmi? Fikrimizcha, kinoga bunday nom qo'yish yaramaydi.

"Yuragim seniki", "Meni sev", "Demak sevasan", "Sevadi sevmaydi", "Meniki bo'l" kabi kinofilmlar nomi xorij kinolari nomining tarjimasini bilan bog'liq. Fikrimizcha, kinofilm nomini tanlashda o'zbek mentalitetini, xalq ma'naviyati va maskurasini inobatga olish zarur. O'zbek xalqi ibo, hayo, nomus, ori bilan o'zga xalqlardan ajralib turadi. Bu kabi azaliy qadriyatlarga, so'z (kino nomi)ga e'tiborsizlik va shu tarzda ommaga taqdim etish millat taqdiriga bolta urish bilan barobardir.

"Men yolg'onchiman" – bu nomni eshitganimizda yolg'onchiligi bilan maqtanayotgan, yolg'onchiligini hammaga ko'z-ko'z qilayotgan shaxs ko'z oldimizga keladi. Yolg'onchilik fazilatmi yoki illat!? So'zda ham sehr bor, deydi dono xalqimiz. Bu sehrni faqat va faqat ezgulik yo'lida ishlatish kerak.

“Ajab bo’libdi”, “Ana xolos” kabi kinofilmlar nomida so’zlashuv uslubi yetakchilik qiladi. “Juda boy, chiroyli tilimiz bor. Bu tilda ifoda etib bo’lmaydigan fikr, tuyg’u yo’q”, – degan edi A.Qahhor. Kino nomlarida ham betakror so’zlarimizdan foydalanishimiz hamda tilimizning jozibadorligini tomoshabinlarga yetkazishimiz lozim. Bu bilan ona tilimizning rivojiga ozgina bo’lsa ham, hissa qo’shgan hisoblanamiz.

“Og’ufurush tergovdagi qiynoq” – ushbu qo’llanishda usluban xatolik yaqqol kuzatiladi. Mazkur qo’llanish bilan “Og’ufurushning tergovdagi qiynog’i” yoki “Og’ufurush yoxud tergovdagi qiynoq” demoqchi bo’lishgandir. Bu esa tomoshabin uchun qorong’u.

“Sumalak kasting yohud uchmagan varrak”, “Salom gruppadagilar”, “Janob Hot-dogchi”, “Amiran” kabi kinofilmlar nomi ham talab doirasida emas. Tilimizda kasting, gruppа, hot-dog degan o’zlashmalar faqat so’zlashuv tilida qo’llaniladi. Gruppа so’zi lug’atda guruh, to’da birliklarining sinonimi sifatida berilgan. Kino nomidagi gruppа so’zi esa telegram kanalida tashkil qilingan onlayn muloqot qiluvchi guruh ma’nosida qo’llangan. Bir qarashda bu film nomida zamonaviylik bordek tuyuladi, aslida esa kun mavzusi darajasida olib chiqiladigan nom emas.

Kasting so’zi hozirgi kunda san’atning turli sohalarida “tanlov” ma’nosida qo’llanilyapti. Mazkur kinoda esa sumalak so’zi bilan yonma-yon ishlatilyapti. Bu o’zlashma so’zni keng yoyishdan dalolat beradi. Uning ekvivalenti bo’lgan o’zbekcha tanlov so’zini ishlatmaslik o’z tilimizga e’tiborsizlik, hurmatsizlikdan o’zga holat emas.

Hot-dog (inglizcha: hot dog - so’zma-so’z tarjimada “issiq it” degan ma’noni anglatadi) maxsus yumshoq non orasiga go’sht mahsulotlari qo’yilgan, qaylali, tezpishar taom turi. Ko’proq AQShda tayyorlanadi va eng ko’p iste’mol qilinadi. Hot-dogchi so’zining oldidan janob so’zini ishlatib kinofilmgа nom berish, eng avvalo, shu ovqat turi hamda ovqatni tayyorlovchi shaxsni diqqat markaziga olib chiqish o’ta bema’nilikdir, chunki, birinchidan, bu taom o’zbeklarning milliy taomi emas, ikkinchidan, hot-dog so’zini keng yoyish boshqa millat vakillarining madaniyatini, leksik birligini targ’ib qilishdan o’zga narsa emas.

Amiran so’zi o’zbek tili lug’atlarida aks etmagan. Qanday ma’no anglatishi noma’lum bo’lgan bu so’zni kinofilm nomiga aylantirishdan maqsad nima? Bu bizga qorong’u. Har holda tushunarli so’z tanlangani ma’qul edi. Zero, donolardan biri aytganidek, so’z qanchalik oddiy bo’lgani sari shunchalik aniq bo’ladi. So’z qanchalik o’rnida ishlatilgani sari jumlaning shu qadar kuchli va ishonchli qiladi.

Afsuski, yurtimizda ekran yuzini ko’rayotgan ko’pgina o’zbek kinofilmlariga xorij ta’siri ko’proq uchrayapti. Buning sabablarini turlicha izohlash mumkin. Biroq har qanday holatda nomlar, avvalo, davlat tili doirasida bo’lishi lozim. Ajnabiy so’zlardan o’rinsiz foydalanish, bir tomondan ona tilimizga soya solsa, boshqa tomondan yoshlarimizning “ommaviy madaniyat” unsurlariga ko’proq duchor bo’lishlariga zamin yaratib beradi.

Xulosa. Biz yuqorida kinofilmlar nomidagina uchragan adabiy me’yor “tartibsizliklar”idan ayrimlarini tahlilga tortdik. Kino nomlari ssenariy mazmuni bilan qay darajada mos kelgan-kelmaganligi alohida masala. Ayni masala xususida to’xtalmadik, chunki bu boshqa bir tadqiqotning materiali vazifasini o’taydi. Tahlillardan kuzatish mumkinki, ayrim kinofilm nomlaridagi holat qoniqarli emas. Albatta, har bir tilda nom yaratishning muayyan bir talab va me’zonlari mavjud. Xususan, kinofilmlar nomi ssenariyning mohiyatini aks ettirishi, xalqning umummilliy, ma’rifiy-madaniy qarashlari, an’analari, mentaliteti, dunyoqarashi, ruhiyatiga zid kelmasligi shart. U insonda yolg’on tasavvur uyg’otmasligi, uni o’ziga jalb etishi hamda xotirasida tez va oson saqlanib qolishi, barcha uchun tushunarli, eng muhimi, kino va tomoshabin o’rtasida aloqa ko’prigi vazifasini bajarishi lozim. Shundagina tanlangan nom kinoning ommalashishi, bozorgiriligini ta’minlaydi.

ADABIYOTLAR

1. Мирзиёев Ш.М. Миллий киноиндустрияни ривожлантириши бўйича қўшимча чора-тадбирлар тўғрисида 2018 йил 24 июль, ПҚ-3880-сон [Электрон ресурс] <http://www.lex.uz/ru/docs/3835308>
2. Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси. 24.01.2020. [Электрон ресурс] <https://president.uz/uz/lists/view/3324>
3. Ўзбек тилининг изоҳли лугати. 2 жилдлик. 1-жилд. – М.: Рус тили, 1981. – 632 б.
4. Ўзбек тилининг изоҳли лугати. 2 жилдлик. 2-жилд. – М.: Рус тили, 1981. – 715 б.

5. Ширинова М.Ш. Ортология адабий мейёр ҳақидаки фан сифатида. // БухДУ илмий ахбороти, 2019 йил 3-сон. 127-131-б.

6. Ширинова М.Ш. Кино тили тундунчаси ва унинг ўзига хос хусусиятлари. // БухДУ илмий ахбороти, 2019 йил, 4-сон

7. Shirinova M.Sh. The concept of film language and its studiedness in linguistic aspect. Актуальные вопросы современной науки и образования: сборник статей Международной научно-практической конференции. В 2 ч. Ч. 1. – Пенза: МЦНС "Наука и Просвещение", – 2020. – С. 137-139.

<https://studref.com/473325/zhurnalistika/yazyk/kino/yazyk/ekrana>

УДК: 410

КОРПУС ЛИНГВИСТИКАСИДА СЕМАНТИК ТЕГ КАТЕГОРИЯСИ: ТАЖРИБА ВА ТАҲЛИЛ

КАТЕГОРИЯ СЕМАНТИЧЕСКОЙ ТЭГ В КОРПУСНОЙ ЛИНГВИСТИКЕ: ЭКСПЕРИМЕНТ И АНАЛИЗ

SEMANTIC TAG CATEGORY IN CORPUS LINGUISTICS: EXPERIENCE AND ANALYSIS

Ахмедова Дилдора Баҳодировна
БухДУ таянч докторанти

Аннотация. Мақолада корпус бирликларини семантик аннотациялашнинг муҳим категориялари саналган семантик разметка, семантик разметка тизими, оператор, классификатор, кўпмаънолилик, семантик филтрнинг ўзига хос хусусияти ҳамда имкониятлари ҳақида баҳс юритилади. Семантик тег тизимига турли ёндашув ва қарашлар ҳақида фикр билдирилган, семантик теглаш муаммолари, кўпмаънолилик ва омонимлик муаммосини ечиш ҳамда филтрлашга доир айрим мулоҳазалар; рус, калмиқ, бошқирд, чуваш тили корпусининг семантик разметкасига доир масалалар таҳлили келтирилган.

Таянч сўзлар: семантик разметка, семантик тег, разметка тизими, оператор, классификатор, кўпмаънолилик, семантик филтр.

Аннотация. В данной статье рассмотрены особенности и возможности важнейших категорий семантической аннотации корпусных единиц, таких как, семантическая разметка, система семантической разметки, оператор, классификатор, многозначность, семантический филтр. Высказано мнение о различных подходах и взглядах на систему семантических тегов, приведены рассуждения о пути решения проблемы семантических тегов, их многозначности и омонимии, а также представлены некоторые рассуждения, касающиеся семантических филтров. Проведён анализ задач семантической разметки языкового корпуса русского, калмыцкого, башкирского и чувашского языков.

Ключевые слова: семантическая разметка, семантический тег, система разметки, оператор, классификатор, многозначность, семантический филтр.

Annotation. This article discusses the semantic markup system, the semantics markup, the operator, the classifier, the versatility, the properties and capabilities of semantic filtering, which are important categories for the semantic annotation of corpus units. Different approaches and theories to semantic tag system are expressed; some considerations for solving and filtering semantic touch problems, versatilities and homonymic; an analysis of the semantic circuitry of the Russian, Kalmyk, Bashkir, Chuvash language is given.

Key words: semantic markup, semantic tag, markup system, operator, classifier, versatility, semantic filter.

Кириш. Разметканинг исталган тури лингвистик ва дастурий таъминотни талаб қилганидек, семантик разметка ҳам лексик/лексикографик/семантик базалар асосида амалга оширилади. Мақолада рус тили миллий корпуси семантик разметкасига асос бўлган